

آبونه شرائطی : هریر ایچون  
سنه لکی (۴۰۰) آلتی آیلمی  
(۲۲۵) ممالک اجنبیه ایچون  
سنه لکی (۴۵۰) ، آلتی آیلمی  
(۲۵۰) غروشدور .

نسخه سی ۷,۵ غروشدور .  
سنه لکی ۵۰ ع ددر .

اداره خانه : باب عالی جاده سنده  
رشید افندی خاندن .

اخطارات  
آبونه بدلی پشیندر .

مسلكه موافق آثار مع الممنونیه  
قبول اولنور . درج ایدلمه یین  
یازیلر اعاده اولماز .

# تذکره

۱۳۳۹

آدره من تبدیلنده ایریخه  
غروش کوندرلملیدر .

مکتوبلرک امضالری واضح  
واوقوناقلی اولسی و آبونه  
صره نوسروسی محتوی  
بولونسی لازمدر

ممالک اجنبیه ایچون آبونه  
اولانلرک آدرس لری نیک  
فرانسزجه یازلمسی رجا اولنور .

پاره کوندردلیکی زمان نهیه  
دائر اولدینی بیلدیرلسی  
رجا اولنور

اتبعون اهدکم سیل ارشاد

صاحب و مدیر  
اشرف ادیب

باش محرر  
محمد حاکف

والله یهدی من یشاء الی صراط مستقیم

## حافظہ کارلقدن مقصد ندر؟

کلیبولی مبعوثی جلال نوری بک «انقلاب و جذریلک» عنوانیله آنقره دن «ایلری» به کوندردیکی بر مقاله ده محافظه کارلق ولییه رالقدن بحث ایدیور. «دلی پتروئیک اسکی روسیه نیک حقیقی احتیاجی تشخیص ایتدیکی وقت، ماضی ایله مناسبتی اولان هر مؤسسہ یی ییقدیغنی، موسقوه بطریقخانه نی الفا ایلدیکنی، یکی طرزده بر عائله معاشرتی احداث و بوکا قارشی کلنلر تجریم بیله اولوندیغنی؛ صقالیلرک صقاللری تراش ایتک و یاخود صلب اولونمقله تخییر اولوندقاری» بیان ایتدکن؛ بونی توصیه دکل، چارک هزمی کوسترمک، افکاری قبول ایتدیزمک ایچون فکر محافظیه امان و یرمدیکی اشراپ مقصدیله سوبلدیکی قید ایتدکن صوکره دییورکه :

«بوکونکی وظیفه من، بو انقلاب ذهنیتته صادق قالی ایچون هیچ بر صورتله فکر محافظه ایله اوزلاشماقدیر. محافظه کارانی اداره مصاحت قیلندن تطیب ایتک ایچون اوفاق بر مسامحه کارلقدن بولونمق، فکر انقلابه قارشی کفراندر...»

مومی الیهک محافظه کارلقدن مقصدلری (لادینی محافظه کارلق) ایسه، یعنی مسلمان محله لرده آجیلان عمومخانلر، مسلمان قادیلرینه یریلکده اولان فحش و شیطانی اصولی، مسلمان قادیلرینک بعضی عمومی محللرده مسلم، غیر مسلم ارککلرله برلکده بولونمق دانس ایتلری، مسلمان قادیلرینک قوانوقلرینه قدر قوللری، م لریته قدر کوکسلری، دیزلریته قدر باجاقلری آچهرق سواقاقلرده کزملری، ارکک، قادین برلکده تیارولرد، سینه مالر کیدرک یان یانا او طورملری، مسلمان چوققلرینک باشلریته بر شایقه کچیریلرک سواقاقلرده کزدر، ملری وسار بوقیلدن شیلر ایسه طبعی بولری محافظه ایتک ایسته یلرله اوزلاشماق، بولری تطیب ایچون مسامحه کارلقدن بولونمق فکر انقلابه قارشی کفران نعمتدر. زیرا ملت بو انقلابی، کاظم قره بکر باشک سوبلدکاری وجهله، مقدس دینی اعلا ایتک، ییقلمق ایسته ییلن مقدسات ملیه و دینی سنی قورتارمق مقصدیله وجوده کتیرمشدر.

یوق، محافظه کارلردن مقصدی دینک، احکام و مؤسسات دینیته، آداب و شعائر اسلامیه نیک محافظه سنی ایسته ییلر ایسه بولرله اوزلاشماق، بولرله اوفاق بر مسامحه کارلقدن بیله بولونماق جلال نوری بک بلک کندیسی ایچون بر وظیفه تاق ایدیلیر. فقط منسوب اولدینی فرقه و یا حکومت معاذالله جلال نوری بکک بو نصیحتیله عامل اولمغه قالدیشحق اولورسه مملکتده کی وضعیتی بک محف اولور.

مومی الیه، خاق فرقه سنی و حکومتی ملت قارشی نه قدر فناء ناقدر قورقونج برشکلده کوستریور! صانکه ملتک دینه، مقدساته حرب

آجش کی بر وضعیت! دلی پترولردن، یکی طرزده عائله احداثدن بحث ایدرک دینک، احکام و شعائر دینیته نیک محافظه سندن بویوک برغایه طانیایان ملت ایله فرقه نیک آره سنی آچقدن جلال نوری بک نه فاند بکله یور؟ اوت، دلی پترو جبراً یکی طرزده بر عائله احداث ایتدی. فقط احداث ایتدیکی عائله دنیاده فحش و سفاهتک اک صوک درک سته واران بر عائله طرز اولدی. بوکون بر یوزنده فحشده اک ایلری کیدن مملکت زهره سی در؟ دییه صورولدیغنی زمان بلا تردد روسیه کوستریلیر، یعنی دلی پتروئیک احداث ایتدیکی طرز عائله!

اگر مقصدی (عزم) مثال کتیرمک ایسه نهیه حضرت عمرک جهانلری سرفرو ایتدیرن عزمی مثال کتیرمیورده دلی پترو کی بر جیلینک اجرا آتی ایلری سوریور؟

بونلر، هیچده ای شیلر دکلدیر. ملتک دینه، مقدس حسلرینه قارشی بوقدر صایغیسزلق اوله ماز.

دها کچن کون جلال نوری بک انقلاب جدیدک ماهیت دینی حائز اولدیغندن، اسلامیتدن انزالی غیر ممکن بولوندیغندن بحث ایدیوردی. شوخالده ملت دینی، احکام دینی، مؤسسات دینی، شعائر دینی، محافظه ایتک ایسترسه بر جرم می ایشله مش اوله جقدر؟ باری بوکا سارده بقااون چیقارملی ده هرکس جلال نوری بکک جذری پروغرامنک اساسی آکلاسون.

برکت ویرسون، محافظه کارلر اوزلاشماق، مسامحه کارلقدن بولونماق یولنی طوتما یورلرده ایشلر یوریور. یوقسه جلال نوری بک حایه ایله قونی یی بک کوزل آکلاردی.

## ماتی مسلمانان قورتاردی

کاظم قره بکر پاشا دییورکه «ملت غریبه یوشمقد دکل، دینه مین

اسوسه صایلمقدن موهر بیتی قورتاردی».

استانبول مبعوثی وارمنستان قانچی کاظم قره بکر پاشا حضرتلری دارالفنون حقوق فاکولته سنک بوسنه کی مأذونلری شرفه ویریلن ضیافتده مهم بر نطق ایراد ایتش، غریبچلق و مسلمانلق حقنده شایان دقت بیانانده بولونمشدر. مشارالیه، «دارالفنون ملتک دماغی اولدیغنی، دارالفنونک قراکقلر ایچنده زهره کیده جکفی شاشیران بوماتی توریله تنوبرایدجک و بوملته یول کوسترجک مقدس برایشیق منبئی اولدیغنی» سوبلدکن صوکره دیمشدرکه :

آوروپاده تحصیل ایدن بر قسم منورانز آناطولینک مختلف مواقعه کییورلر و طبعی بوراده رفاه، سعادت و ثروت خصوصنده تام بر هیچلک کوریورلر. وودواق بویورلر. خلغمزی آوروپایه بکزه تبیلک ایچون مطلقاً غریبلاشمی توصیه ایدیورلر.